

PITOPITO KORERO.

NGA TUPAPAKU.

KUA tae mai nga reta a Reys T. Tawhai me A. Tamihere, he whakaatu mai i te matenga o Peni te Huki, he rangatira no Whakatane, he tangata marae, he matua he pou no te Hahi ki era wahi. Naana i whakatau ki Te Poroporo nga minita mo te takiwa o Tuhoe ko ia te kapohi o ana iwi ki roto ki nga iwi o te Tairawhiti; naana i arataki nga iwi o te Tairawhiti ki roto o Whakatane i te tau 1899. I te matenga e Eruera Kawhia ka reia mai ra ano e ia i tona whenua, te haere nga mai ki te tangi ki tona hoa, a, no reira hoki ia i tino arohatia ai e Ngatiporoa.

E toru rawa nga reta kua tae mai ki a matou he whakaatu mai i te matenga o Rev. Heni Taitimu o Parengarenga, te Aupouri, i te takiwa ano i mate ai a Atirikona Karaka, i whakaturia e matou te matenga i tera putanga o Te Pipi. Kua ngaro te hepara o tera pito o te motu, kua ngaro te kaumatua o te Hahi i tera wahi, kua tenoa he wahi ke te kai ngaki o tera pito o te maara a te Ariki, a, mana e titiro e whakarite tetahi atu. Hoatu e koro, waiho nga hua o tau mahi i muri nei hei pou whakamaharatanga mou.

No 75 o nga ra o Noema nei i mate ai a Te Mananui Paerata ki Tokomaru. He tamaiti rangatira, he huatahi, he mokopuna na Hone Paerata.

HE TAKUTA MAORI.

Kua hoki mai a Maui Pomare i a Amerika i te ako ki te mahi takuta, a inaianei kua tino takuta ia. (Kaore e tino whakamana nga takuta o Amerika e te pakaha pera me nga takuta o Ingarangi.) Kei te tono a Pomare kia whakaetia ia kia mahi takuta i Niu Tireni nei. I whakaakona a Pomare ki Te Aute; i a ia i reira ka huri raua ko Mitai Mikaera ki te hahi e whakatapu nei i te Haterei, ara te Seventh Day Adventists. Ko Pomare i haere ki Amerika ko Mitai ki Merepana, a he aha ranei kei te kareti Pikopo ke i Poneke a Mitai inaianei. He maha nga tau i ako ai a Pomare ki te kareti o tona hahi. I etahi wa ka haere ia ki te kauwhau i nga taone mo te ahua o te Maori. I kiia e ia tana whai-koreke ko: "Aotearoa."

KANUI TE TOHORA.

He tau nui rawa tenei te tohora. I te rere nga mai o te Aotea i Akarana ki Turanga nei, whakawhiti ana i runga i te tua ra o te tohora.

Kei te Aupouri tetahi wahi kua nui rawa nga tohora kua mate. Tukuna ai he kupenga nui ki te moana, hei te urunga o te tohora ki roto ka tawhiwhi ka pokaikaha noa iho, katihi ka patua. No enei ra tata ka tae mai te kore-ro kua pae e 50 tohora ki Omaio, kotahi tonu te paenga ki uta. Ki te kore-ro a nga tangata o reira ko te take i pae ai he whakatatanga no te kabini ki uta i te rongonga i tetahi kua tohora e tangi ana.

(E mea ana nga nupepa, he komiti tonu te mahi a te Whanau-a-Apanui i nga po katoa, ara he whakaaro ki te rabuitanga o te moana i te matenga o a ratou tamariki. Kua tahuna etahi o ana ika, engari kaore ano kia hokoua, i runga i tenei ratuaru. Tera ra e pehea te tukanga iho. Ka hokona ranei nga hinu, ka ringiringitia ranei.)

TE PEKERAPU O HONE HEKE.

Kua puta a Hone Heke ki waho o tona pekerapu, e ata whakariteritea ana e ia ana nana katon.

HE APAKURA.

Kua tae mai ki a matou te tangi a Te Kura-a-Mahaki mo te aitia o Te Whanau-a-Apanui. E poui ana matou, e kore e taata te ta taua tangi tino pai i te apiapi rawa o ta tatou Pepa i te roa rawa hoki o te takiwa i pa ai taua aitia. -- Etita.

TE ARAWHATA KI TE MATAURANGA.

ITERA tau, i aku korero mo "Etahi tamariki Maori," i pauiitia e Te Pipiwharaurou i puta taku kupu, tera e whakaaturia e au, hei titiro ma te tangata, nga mahi me nga moni e tae ai nga tamariki Maori ki te kareti nui o Niu Tireni, ara ki te Uniwhahiti (University). E wha nga manga o te uniwhahiti o N. T., kei Otepoti (Dunedin), kei Otautahi (Christchurch), kei Poneke, kei Akarana. Tokorima ano nga tamariki Maori kua tae ki te uniwhahiti, ko Apirana Ngata me Reweti Kohere ki Otautahi, ko Hamiora Hei ki Akarana, ko Tutere Wi Repa me Pita Paaka ki Otepoti. O tenei tokorima, ko Apirana Ngata anake kua tutuki ki te mutunga mai, ara kua tu ia kei runga o te huahua whakamutunga o te matauranga. Ka whakaatu au i konei, kei pobehe te tangata, ko aha ko te kai tuhi i enei korero, kaore ano kia tae ki te huahua whakamutunga, heoi taku ko te whakaatu i te huarahi ki nga tamariki kaore ano kia hiko i te